



真西山讀書記

卷十五



內閣文庫	
番號	漢 9423
冊數	40 ( 15 )
函號	299 11




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





西山先生真文忠公讀書記卷之十五

淺草文庫



易大傳形而上者謂之道形而下者謂之器其野大學

道道亦器○坤傳曰形而上者天地之道形而下者  
陰陽之功○朱子曰卦爻陰陽皆形而下者其理則  
道也○形而上者無形無象是理形而下者有情有  
象是器然有此器則有此理有此理則有此器未嘗  
相離却不是於形器之外別有所謂理○又曰形而

言言言  
卷之一  
一  
上底虛渾是道理形以下底實便是器這箇分別得  
精切明道說惟此語截得上下最分明○問如何以  
形言曰此言最的當設若以有形無形言之便是物  
與理相間斷了器亦道道亦器有分別而不相離也  
指器爲道固不得離器於道亦不得○形而上者指  
理而言形而下者指事物而言事事物物皆有其理  
事物可見而其理難知卽事卽物便要見此理大學  
之道不曰窮理而曰格物只是使人就實處窮竟○  
形而上者是理才有作用便是形而下者問陰陽如  
西向是形而下者曰書物便有陰陽寒暖生殺皆見得

事物雖大皆形而下者理雖小皆形而上者○天地  
形而下者乾坤形而上者天地乾坤之形殼乾坤天  
地之性情○此語詳于前此書以實見實重然  
論語子曰朝聞道夕死可矣此語見實而無輔也  
朱子曰道者事物當然之理苟得聞之則生順死安  
無復遺憾矣朝夕所以甚言其時之近○程子曰信  
人不可以不知道苟得聞道雖死可也曰皆實理  
也人知而信者爲難死生亦次矣非誠有所得豈以  
夕死爲可乎○或問朝聞夕死得無近於釋氏之說  
乎曰吾之所謂道者君臣父子夫婦昆弟朋友當然

之實理也彼之所謂道則以此為幻為妄而絕滅之  
 以求其所謂清靜寂滅者也人事當然之實理乃人  
 之所以為人而不可以不聞者故聞之而夕死亦何  
 以無所憾若彼之所謂清靜寂滅者則初無所效於  
 人生之日用其急於聞之者特懼夫死之將至而欲  
 倚是以敵之耳是以為吾之說者所法候命而不求  
 知死為彼之說者坐忘立脫變見萬端而卒無補於  
 世教之萬分也故程子於此專以實見實理義重於  
 生與夫知所報為人者為說其旨亦深切矣○南軒  
 曰所謂聞道者蓋涵養體察積習精深而自得於實

理非若異端驚怪恍惚超悟直入之論也○按集義  
 程子曰聞道知所以為人也夕死可矣是不虛生也  
 又曰苟有朝聞道夕死可矣之志則不肯一日安於  
 所不安何止一日須臾不能如曾子易簣須要如此  
 乃安人不能若此者只為不見實理實理者實見得  
 是實現得非見是理得之於心自別若耳聞也道者  
 心實不見若見得必不肯安於此又曰古人有損軀  
 殞命者若不實現得則焉能如此須是實見得生不  
 重於義生不安於死也故有殺身成仁者只是成就  
 一箇是而已程子之說如此朱子所取其畧也

子曰參乎吾道一以貫之曾子曰唯  
朱子曰參乎者呼曾子之名而告之貫通也唯者應  
之速而無疑者也聖人之心渾然一理而泛應曲當  
用各不同會子於其用處蓋已隨事精察而力行之  
但未知其體之一耳夫子知其真積功久將有所得  
是以呼而告之而曾子果能默契其旨即應之速而  
無疑也  
子出門人問曰何謂也曾子曰夫子之道忠恕而已矣  
盡忠之謂忠推己之謂恕而已矣者竭盡而無餘之  
辭也夫子之一理渾然泛應曲當譬則天地地之至

誠無息而萬物各得其所也自此之外固無餘法而  
亦無待於推矣曾子有見於此而難言之故借學者  
盡已推己之目以著明之欲人之易曉也蓋至誠無  
息者道之體也萬殊之所以一本也萬物各得其所  
者道之用也一本之所以萬殊也以此觀之一以貫  
之實可見矣或曰中心為忠如心為恕於義亦通程  
子曰以己及物仁也推己及物恕也違道不遠是也  
忠恕一以貫之忠者天道恕者人道忠者無妄恕者  
所以行乎忠也忠者體恕者用夫本達道也此與違  
道不遠異者動以天爾又曰維天之命於穆不已忠

也乾道變化各正性命恕也又曰聖人教人各因其才吾道一以貫之唯曾子爲能達此孔子所以告之也會子告門人曰夫子之道忠恕而已矣亦猶夫子之告曾子也中庸所謂忠恕違道不遠斯乃下學止達之義又曰忠恕違道不遠施諸已而不願亦勿施於人此又掠下教人○忠是根本恕是枝葉○一者忠也以貫之者恕也辭一而用殊○忠是一箇忠做得百千萬般箇恕出來○一以貫之只是萬事一理伊川謂仁義亦得蓋仁是統體義是分別○存於內爲忠見於外爲恕忠是無一毫自欺處恕是稱物平

施處○忠因恕見恕由忠出○天地是無心底忠恕聖人是無爲底忠恕學者是求做底忠恕○問或云忠恕只是無私心不責人曰自有六經以來不曾說不責人是恕若中庸也只是說施諸已而不願亦勿施於人而已何嘗說不責人不成只取我好別人不好更不管他論語只說躬自厚而薄責於人謂之薄者如言不以己之所能必人之如己隨材責任耳何至舉而弃之○曾子忠恕本是學者事曾子特借來形容夫子一貫道理忠便是一恕便是貫有這忠了便做出許多恕來聖人極誠無妄便是忠曰聖人之

之忠卽是誠否曰是聖人之恕卽是仁曰是曰在學者言之則忠近誠恕近仁○曾子零碎處盡曉得了夫子便告之曰參乎吾道一以貫之他便應之曰唯貫如散錢一是索子○夫子固是一以貫之學者能盡已而又推此以及物亦是一以貫之所以不同者夫子以天學者用力○動以天之天只是自然○問忠是竭盡其中心無一毫不盡恕是推中心之所欲以與人所不欲不以與人曰是如此○夫子之所以告曾子時無他只緣他曉得千條萬目他人連箇千條萬目尙自曉不得如何識得一貫○曾子件件會

做來所以知若不會躬行踐履如何曉得○忠是洞然明白無有不盡恕是知得爲君推其仁以待下爲臣推其敬以事君○忠者誠實不欺之名聖人將此放頓在萬物上故名之曰恕○忠恕本末是說一貫緣聖人告以一貫之說故曾子借此二字以明之忠恕是學者事如欲子之孝於我必當先孝於親欲弟之弟於我必當先敬其兄如欲人之不慢於我我須先不慢於人欲人不欺於我我須先不欺於人聖人一貫是無作爲底忠恕是有作爲底將箇有作爲底明箇無作爲底聖人則動以天賢人動以人○聖人

言言言  
卷之十五  
不待推然學者但能盡已以推之於人推之既熟人之自能見聖人不待推之意。譬如一泓水聖人是自然流出灌溉百物其他人須是推出來灌溉。學者是這箇忠恕聖人亦只是這箇忠恕但聖人熟學者生聖人自胸中流出學者須着勉強。維天之命於穆不已乾道變化各正性命是天之忠恕純亦不已萬物各得其所是聖人之忠恕施諸已而不願亦勿施於人是學者之忠恕。忠一本恕萬殊一本是純會處萬殊是流行處在天道言之一本是元氣之於萬物有昆蟲草木之不同而只是一氣之所生萬

殊則是昆蟲草木之所得而生一箇自是一箇模樣在人事言之則一理之於萬事萬物有君臣父子兄弟朋友動息洒掃應對之不同而只是此理之所貫萬殊則是君臣父子兄弟朋友之所當於其道者一箇自是一箇道理其實只是一本。問如心爲恕曰如比也比自家心推將去仁之與恕只爭些了自然底是仁比而推之便是恕。問忠恕程子以推廣得去則天地變化草木蕃推廣不去則天地閉賢人隱如何日亦只抗已以及物推得去則物我貫通自有箇生生無窮底意思便有天地草木蕃氣象天地只



是這樣道理若推不去物我隔絕欲利於己不利於人欲己之富欲人之貧欲己之壽欲人之夭似這氣象全然閉塞隔絕了便似天地閉賢人隱。曾子平日功用得九分九釐九毫都見得了只爭得這些子一聞夫子警省之便透徹了也又問未唯之前如何曰未唯之前見一事各是一箇理及既唯之後千萬箇理只是一箇理。夫子言一貫曾子言忠恕子思言小德川流大德敦化張子信理一分殊只是一箇。忠恕則一而在聖人在學者則不能無異正由孟子言由仁義行與行仁義之別爾曾子專為發明聖

人一貫之旨所謂由忠恕行者也子思專為指示學者入德之方所謂行忠恕者也所指既殊不得不以為二然其所以為忠恕則其本體蓋未嘗不同也。問程子以忠為天道恕為人道莫是謂忠者聖人之在己與天同運而恕者所以待人之道否曰聖人待己待人亦無二理天人之別但以體用之殊耳。問伊川曰忠者天道恕者人道所謂天道人道初非以優劣言自其渾然一本言之則謂之天道自其與物接者言之則謂之人道耳曰然此與誠者天之道誠之者人之道語意自不同。南軒曰聖人之心於天

下之理無所不該雖內外本末隱顯之致各有其分然未嘗不以貫之也故程子曰如百尺木自根本至毫末皆其貫夫子之告曾子當其可耳曾子蓋默識之故答門人之問獨舉忠恕爲言可以見曾子自得之深也夫忠爲體恕爲用實有是體則擅有是用之周乎物是其體之流行發見而已體用一源也豈非一貫之妙歟聖人全乎此天之道也會子所稱夫子忠恕是已賢者求盡乎此入之道也子思所稱忠恕是也○又孔子之告子貢亦曰予一以貫之正文見後篇今以先儒註釋之語附此庶互相發云朱

子曰一貫說見前篇然彼以行言而此以知言也○謝氏曰聖人之道大矣人不能徧觀而盡識宜其以爲多學而識之者也然聖人豈務博者哉如天之於象形匪物物刻而雕之也故曰予一以貫之德輶如毛毛猶有倫上天之載無聲無臭至矣○尹氏曰孔子之於曾子不待其問而直告之以此曾子復深論之曰唯君子貢則先發其疑而後告之而子貢終亦不能如曾子之唯也二子所學之淺深於此可見愚按夫子之於子貢屢有以發之而他人不與焉則顏曾以下諸子所學之淺深又可見矣○或問云云聖

人生知不待多學子貢以已觀夫子故以爲亦多學也夫子以一貫告之此雖聖人之事然因已以告子使知夫學者雖不可以不多學然必有所謂一以貫之然後爲至耳蓋子貢之學固博矣然意其特於一事一物之中各有以知其理之當然而未能知夫萬理之爲一理而廓然無所不通也若是者雖有知夫象理之所在而汎然莫爲之統其處事接物之間有以處其所嘗學者而於其所未嘗學者則不能以以通也故其聞一則止能知二非以臆度而言則亦不能以屢中聖人以此告之使之知所謂理者本一


理也以是而貫通之則天下事物之多皆不外乎是而無不通矣○問謝氏謂如天於象形非物物刻而雕之如何曰天只是一氣流行萬物自生自長自形自色豈是逐一粧點得如此聖人只是一箇大本大原裏發出視自然明聽自然聰色自然溫貌自然恭在父子則爲仁在君臣則爲義從大本中流出便成許多道理只是這箇一便貫將去所主是忠發出去無非是恕○又曰曾子是事實上做出子貢是就識見上得看來曾子從實處見一直透上去子貢雖是知得較似滯在知識上○曾子是就源頭上面流下

言言言  
卷之十五  
一  
來子貢是就下面推上去。○南軒曰：賜之學博矣，夫子欲約之也，故告以予一以貫之，使極夫體之所該用之所宗，不至汎而無統也。夫子之告子貢與告曾子理則一而告之之意則異也。於參也，所以達其至於賜也，所以迪其歸一。子所造蓋有淺深，故所以告之之意不同。然在教之當其可則一也。○問明道曰：維天之命於穆不已，不其忠乎？天地變化草木蕃，不其恕乎？伊川曰：乾道變化各正性命，恕也。侯子曰：伊川說得尤有功。天授萬物之謂命，春生之冬藏之歲歲如是，天未嘗一歲誤萬物也，可謂忠矣。萬物洪纖

高下長短各得其欲，可謂恕矣。某謂二先生之言不見有差殊，其在萬物得其所，以蕃生便是正性命，不知侯子何以分輕重兼謂維天之命為天授萬物者？恐此天命只是天理，伊川所謂在天為命，不必須是授之萬物始謂之命，故又謂春生冬藏歲歲如是，未嘗誤萬物為忠，恐此亦只是恕。蓋已發者也。南軒答曰：明道之言意固完具，但伊川所舉各正性命之語為更有功。忠體也，恕用也。體之而用，未嘗不存其冲用之所形，辭亦未嘗不具也。以此愚玩味，則見伊川言尤有功處。侯子所說忠字恐未為得二先生之意。

天命且於理上推原未可只去其元之氣上看。○愚按學者或有以一貫萬為一貫者如此則是以已之一貫彼之萬雖聖人亦未免於有意且裂道與一而為二也其可乎學者當味聖人之言曰吾道一以貫之而不曰以一貫之斯得之矣。○子曰誰能出不由戶何莫由斯道也。○朱子曰言人不能出不由戶何故乃不由此道耶怪而嘆之之辭洪氏曰人知出必由戶而不知行必由道非道遠人人自遠爾。○或問云云曰何莫之云猶曰何莫學夫詩耳若直以出不能不由戶譬夫行之

不能不由道則世之悖理犯義而不由於道者為不少矣又何說以該之耶。○朱子曰逝者如斯夫不舍晝夜逝者無一息之停乃道之本然也然其可指而易見者莫如川流故於此發以示人欲學者時時省察而無毫髮之間斷也。○程子曰此道體也天運而不已日往則月來寒往則暑來水流而不息物生而不窮皆與道為體運乎晝夜未嘗已也是以君子法之自強不息及其至也純亦不已焉又曰自漢以來儒者皆不識此義此見聖



詩言詩 卷之十五 十一  
人之心純亦不已也純亦不已乃天德也有天德便  
可語王道其要只在謹獨○問集註云此道體之本  
然也後又曰皆與道爲體向見先生說道無形體却  
是這物事盛載那道出來故可見與道爲體言與之  
爲體也這體字較粗如此則與本然之體微不同已  
子也便在裏面只是前面體字說得來較濶連本末精  
粗都包在裏面後面與道爲體之體又說出那道之  
子深切底骨子恐人說物自物道自道所以指物以見  
道其實這許多物事湊合來便都是道之體道體便  
在這許多物事上只是水上較親切易見○問張思

叔說此是無窮程子曰一箇無窮如何便了得何也  
曰固是無窮然須有因甚恁地無窮須見得所以無  
窮處始得○問有天德便可語王道曰有天德則便  
是天理便做得王道無天德則是私意計較所以做  
王道不成○因云舊曾作觀瀾閣詞有曰因常流之  
不息悟有本之無窮又曰天德流行之妙若有私欲  
以間之便如水被障塞不得滔滔地去○問程子曰  
其要只在謹獨如何曰能謹獨則無間斷而其理不  
窮若不謹獨便有人欲來參入裏面便間斷了如何  
會得如川流底意○問程子云自漢諸儒皆不識此

義如何曰此事却了孔孟却猶是佛老見得些模樣  
後來儒者於此全無相着如何教他不做大曰只爲  
佛老從心上起工夫其學雖不然却有本儒者只從  
言語文字上做工夫其學雖不合理會者亦只做工夫  
說話過了所以輸與他先生曰彼所謂心上工夫本  
不是然却勝似今儒者多公此說却是○范氏說與  
道爲體四字甚精蓋物生水流非道之體乃與道爲  
體○南軒曰此不息之體也自天地日月以至於草  
木之微其生道何莫不然體無乎而不具也君子之  
自強不息所以體之也聖人之心純亦不已則與之

非一體矣川流蓋其著見易察者故因以明之  
子曰人能弘道非道弘人  
朱子曰弘廓而大之也人外無道道外無人然人心  
有覺而道體無爲故人能大其道道不能大其人也  
張子曰心能盡性人能洪道也性不知檢其心非道  
洪人也○或問云云曰人卽道之所在道卽所以爲  
夫之理不可殊觀但人有知思則可以大其所有之  
理道無方體則豈能夫其所託之人哉○黃氏曰人  
能弘道當自勉以力求非道弘人不可安坐而求得  
中庸道也者不可須臾離也可離非道也

中朱子曰道者日用事物當然之理皆性之德而具於心無物不有無時不然所以不可須臾離也若其可離則爲外物而非道矣。○按輯畧程子曰一物不該非中也。○事不爲非中也。一息不存非中也。何哉。爲其偏而已矣。故曰道也者不可須臾離也。可離非道也。修此道者戒慎乎其所不睹恐懼乎其所不聞而已。由是而不息焉。則上天之載無聲無臭可以馴致也。又曰道之外無物物之外無道。是天地之間無遠干而非道也。卽父子而父子在所親卽君臣而君臣在所敬以至爲夫婦爲長幼爲朋友無所爲而非道此

道之所以不可須臾離也。○呂氏曰率性之謂道則四端之在我者人倫之在彼者皆吾性命之理受乎天地之中所以立人之道不可須臾離也。絕類離倫無意乎君臣父子者過而離乎此者也。賊恩害義不知有君臣父子者不及而離乎此者也。雖過不及有差而皆不可以行於世故曰可離非道也。○楊氏曰夫盈天地之間孰非道乎。道而可離則道有在矣。譬之四方有定位焉。適東則離乎西。適南則離乎北。斯則可離也。若夫無適而非道則鳥得而離邪。故寒而衣飢而食日出而作晦而息耳目之視聽手足之舉



履無非道也此百姓所以日用而不知伊尹耕於有莘之野以樂堯舜之道夫堯舜之道豈有物可玩而樂之乎即耕於有莘之野是已此農夫田父之所日用者而伊尹之樂有在乎是若伊尹所謂知之者也朱子曰楊氏無遠非道之云則善矣然其言似亦有未盡蓋衣食作息視聽舉履皆物也其所以如此之義理準則乃道也若曰所謂道者不外乎物而人在天地之間不能違道而獨立是以無適而不有義理之準則不可頃刻去之而不由則是中庸之旨也若便指物以為道而曰人不能頃刻而離此百姓特曰

用而不知耳則是不唯昧於形而上下之別而墮於釋氏作用是性之失且使學者誤謂道無不在雖欲離之而不可得吾既知之則雖猖狂妄行亦無適而不為道則其為害將有不可勝言者不但文義之失而已也○所謂不可離者謂道也若硬以日用之間指舉止動作便是道則無適而非道無時而非道然則不君子何用戒謹恐懼耶為其不可離須是依道而行焉始得○按此章當與性道教戒慎恐懼致中和正章夫參玩最下以與性道致中和正章最為相合君子之道費而隱

吾朱子曰費用之廣也隱體之微也不知使夫知於有  
 夫婦之愚可以與知焉及其至也雖聖人亦有所不知  
 焉夫婦之不肖可以能行焉及其至也雖聖人亦有所  
 不能焉天地之大也人猶有所憾故君子語大天下莫  
 能載焉語小天下莫能破焉而夫莫能載而夫莫能破  
 君子之道近自夫婦居室之間遠而至於聖人天地  
 之所不能盡其大無外其小無內可謂費矣然其理  
 之所以然則隱而莫之見也蓋可知可能者道中之  
 一事及其至而聖人不知不能則舉全體而言聖人  
 固有所不能盡也侯氏曰聖人所不知如孔子問禮

問官之類所不能如堯舜病博施之類愚謂人所憾  
 於天地如覆載生成之偏及寒暑災祥之不得其正  
 詩云鳶飛戾天魚躍于淵言其上下察也且非計也  
 詩大雅旱麓之篇鳶鷗類戾至也察著也子思引此  
 詩以明化育流行上下昭著莫非此理之用所謂費  
 也然其所以然者則非見聞所及所謂隱也故程子  
 曰此一節子思喫緊為人處活潑潑地學者其致思  
 君子之道造端乎夫婦及其至也察乎天地不察乎  
 結上文○輯畧程子曰費日用處問聖人亦何有不  
 能不知也天下之理聖人豈有不盡者蓋於事有所

不徧知不徧能也至纖悉委曲處如農圃百工之事  
夫孔子亦豈能知哉又曰此一段與必有事焉而勿正  
其心之意同活潑潑地會得時活潑潑地會不得只是  
不弄精神又曰鳶飛戾天向上更有天在魚躍于淵向  
下更有地在○謝氏曰鳶飛戾天魚躍于淵非是極  
其上下而言蓋真箇見得如此此正是子思喚緊道  
與人處若從此解悟便可入堯舜氣象又曰鳶飛云  
云無此私意上下察以明道體無所不在非指鳶魚  
而言若指鳶魚則上面更有天下面更有地在知勿  
忘勿助長則知此知此則知夫子與點之意又曰鳶

飛云云猶韓愈所謂魚川泳而鳥雲飛上下自然各  
得其所也詩人之意言如此氣象周王作人似之子  
思之意言上下察也猶孟子所謂必有事焉而勿正  
察見天理不用私意也故結上文云君子語大天下  
莫能載語小天下莫能破今人學詩將章句橫在肚  
裏怎生得脫洒去○或問云云朱子曰道之用廣而  
其體則微密而不可見所謂費而隱也卽其近而言  
之則男女居室人道之常雖愚不肖亦能知而行之  
極其遠而言之則天下之大事理之多聖人亦容有  
不盡知盡能者也然非獨聖人有所不知不能也天

能生覆而不能形載地能形載而不能生覆至於氣化流行則陰陽寒暑吉凶災祥不能盡得其正者尤多此所以天地之大而人猶有憾也夫自夫婦之愚不肖所能知行至於聖人天地之所不能盡道蓋無所不在也故君子之語道也其大至於天地聖人之所不能盡而道無不包則天下莫能載矣其小至於愚夫愚婦之所能知能行而道無不體則天下莫能破矣道之在天下其用之廣如此可謂費矣而其所用之體則不離乎此而有非視聽之所及者此所以爲費而隱也子思之言至此極矣然猶以爲不足以

盡其意故又引詩以明之曰鳶飛戾天魚躍于淵所以言道之體用上下昭著而無所不在也造端乎夫婦極其近小而言也察乎天地極其遠大而言也蓋夫婦之際隱微之間尤見道之不可離處知其造端於此則其所以戒謹恐懼之實無不至矣曰然則程子所謂鳶飛魚躍子思喫緊爲人處與必有事焉而勿正心之意同活潑潑地者何也曰道之流行發見於天地之間無所不在在上則鳶之飛而戾于天者此也在下則魚之躍而出乎淵者此也其在人則日用之間人倫之際夫婦之所知所能而聖人之所不

知不能者亦此也此其流行發見於上下之間者可謂著矣子思於此指而言之惟欲學者於此默而識之則為有以洞見道體之妙而無疑而程子以為子思喫緊為人處者正以示人之意為莫切於此也其曰與必有事焉而勿正心之意同活潑潑地則又以明道之體用流行發見克塞天地亘古亘今雖未嘗有一毫之空闕一息之間斷然其在人而見諸日用之間者則初不外乎此心故必此心之存而後有以自覺也必有事焉而勿正心活潑潑地亦曰此心之存而全體呈露妙用顯行無所滯礙云爾非必仰而

視乎蒼之飛俯而觀乎魚之躍然後可以得之也抑孟子此言固為精密但為學者集義養氣而發耳至於程子借以為言則又以發明學者洞見道體之妙非但如孟子之意而已也蓋此一言雖若近事然其實則必有事焉半詞之間已盡其意善用力者苟能於此起然默會則道體之妙已躍如矣何待下句而後足於言耶聖人特恐學者用力之過而反為所累故更以下自解之欲其雖有所事而不為所累非謂必有事焉又當別設此念以為正心之防也曰然則其所謂活潑潑地者毋乃釋氏之遺意耶曰此但

俚俗之常談釋氏蓋嘗言之而吾亦言之爾彼固不  
得而專也況吾之所言雖與彼同而所以形容實與  
彼異若出於吾之所謂則夫道之體用固無不在然  
鳶而必戾于天魚而必躍于淵是若君臣臣父子  
子各止其所而不可亂也若出於彼之所謂則鳶可  
以躍淵而魚可以戾天矣是安可同日而語哉○謝  
氏既曰非是極其止下而言又曰非指鳶魚而言蓋  
曰子思之引此詩姑借一物以明道體無所不在之  
實非以是為窮其止下之極而形其無所不包之量  
也又非以是為物專為形其無所不在之體而欲學

者之必觀乎此也此其發明程子之意蓋有非一時  
同門之士所得聞者而別以夫子與點之意明之則  
其為說益以密矣但所謂察見天理者恐非本文之  
訓而於程氏之意亦未免小失之耳○問形而止下  
與費而隱如何曰形而上下者就物上說費而隱者  
就道上說○夫婦之愚可以與知焉若據先儒解當  
初何不道行道之人何不道象人之愚何為說夫婦  
是必有意○至者非極至之至蓋道無不包若盡論  
之聖人豈能纖悉盡知伊川之說是○問語小天下  
莫能破是極其小而言之今以一髮之微尚有可破

而爲二者所謂莫能破則足以見其小曰然○鳶飛可見魚躍可見而所以飛所以躍果何物也中庸不言隱者隱在費之中○鳶飛魚躍之說蓋是分明見得道體隨事發見處察者著也非審察之察詩中之意本不爲此中庸只是借此兩句形容道體○鳶飛魚躍費也必有一箇什麼物得他如此此便是隱○問鳶飛魚躍如何與他勿忘勿助長之意同曰孟子本言得粗程子却說得細只是用其語如程子之說却不曾說勿字蓋謂都沒耳其曰正當處者謂天理流行處故謝氏亦以此論會點事其所謂勿忘勿助

長者亦非立此在四邊做防檢不得犯着蓋謂俱無此而皆天理之流行耳○問鳶有鳶之性魚有魚之性其飛其躍天機自完便是天理流行發見之妙處故子思姑舉此一二明道之無所不在否曰是○活潑潑地所謂活者只是不滯於一隅○問中庸言造端乎夫婦何也先生曰夫婦者人倫中之至親且密者夫人所爲蓋有不可告其父兄而悉以告其妻子者○問費隱章都是說費却不說隱莫是所謂隱者只在費中否曰惟是不說乃所以見得隱在其中舊人多分畫將聖人不知不能處做隱下面都說不去

且如鳶飛戾天魚躍于淵亦何嘗隱來而隱去  
 子曰道不遠人人之為道而遠人不可以為道其意蓋  
 朱子曰道者率性而已固象人之所能知能行者也  
 故常不遠於人若為道者厭其卑近以為不足為而  
 反務為高遠難行之事則非所以為道矣至應且  
 詩云伐柯伐柯其則不遠執柯以伐柯睨而視之猶以  
 為遠故君子以人治人改而止無而不存不曰與曰  
 詩豳風伐柯之篇柯斧柄則法也睨邪視也言人執  
 柯伐木以為柯者彼柯長短之法在此柯耳然猶有  
 彼此之別故伐者視之猶以為遠也若以人治人則

所以為人之道各在當人之身初無彼此之別故君  
 子之治人也即以其人之道還治其人之身其人能  
 改即止不治蓋責之以其所能行非欲其遠人以為  
 道也張子所謂以象人望人則易從是也  
 忠恕違道不遠施諸已而不願亦勿施於人  
 不盡已之心為忠推已及人為恕違去也言自此至彼  
 平相去不遠非背而去之之謂也道即其不遠人者是  
 本也施諸已而不願亦勿施於人忠恕之事也以已之  
 心度人之心未嘗不同則道之不遠於人者可見故  
 已之所不欲則勿以施之於人亦不遠人以為道之



事張子所謂以愛己之心愛人則盡仁是也  
君子之道四丘未能一焉所求乎子以事父未能也所  
求乎臣以事君未能也所求乎弟以事兄未能也所求  
乎朋友先施之未能也庸德之行庸言之謹有所不足  
不敢不勉有餘不敢盡言顧行行顧言君子胡不慥爾  
求猶責也道不遠人凡已之所以責人者皆道之所  
當然也故反之以自責而自修焉庸平常也行者踐  
其實謹者擇其可德不足而勉則行益力言有餘而  
詡則謹益至謹之至則言顧行矣行之力則行顧言  
矣慥慥篤實貌言君子之言行如此豈不慥慥乎贊

美之也凡此皆不遠人以爲道之事也張所謂以責  
人之心責己則盡道是也○集畧程子曰以己及物  
忠也推己及物恕也違道不遠是也詳見一貫章又  
曰忠恕兩字要除一箇不得或問恕字學者可用力  
否曰恕字甚大然不可獨用須得忠以爲體不忠何  
以能恕看忠恕兩字自見得相爲用處○張子曰所  
求乎君子之道四是實未能道何嘗有盡聖人人也  
夫則有限是誠不能盡道也聖人之心則直欲盡道  
事則安能盡又曰以責人之心責己則盡道所謂君  
子之道四丘未能一焉者也以愛己之心愛人則盡

仁所謂施諸也而不願亦勿施於人者也。以衆人望  
君大則易從，所謂以人治人，改而正者也。此君子所以  
求責已，責人愛人之三術也。○問忠恕，謝氏曰：猶形影  
乎？也無忠，做恕不出來。○或問：子以爲以人治人，爲以  
不彼大之道，還治彼人，善矣。又謂責其所能，知能行而  
引張子之說，以實之，則無乃流於姑息之論，而所謂  
人之道者，不得爲道之全也耶？曰：上章固言之矣。夫  
婦之所能，知能行者，道也。聖人之所不知不能，而天  
地猶有憾者，亦道也。然自人而言，則夫婦之所能，知  
能行者，人之所切於身，而不可須臾離者也。至於天

地，聖人所不能及，則其求之當有漸次，而或非日用  
之所急矣。然則責人而先其切於身之不可離者，後  
其有漸而不急者，是乃行遠自邇，登高自卑之序，使  
其由是而不已焉。則人道之全，亦將可以馴致。今必  
以是爲姑息，而遽欲盡道，以責於人，吾見其失先後  
之序，違緩急之宜，人之受責者，將至於有所不堪，而  
道之無窮，則終非一人一日之所能盡也。是亦兩失  
之而已。○諸說如何？曰：諸家說論語者，多引此章，以  
明一以貫之義。說此章者，又引論語以釋違道不  
遠之意。一矛一盾，終不相謀，而牽合不置。學者蓋深

病之及深考乎程子之言有所謂動以天者然後知二者之爲忠如雖同實異非其知德之深知言之至其孰能判然如此而無疑哉然盡已推已乃忠恕之所以名而正爲此章違道不遠之事若動以天而一以貫之則不待盡已而至誠者自無息不待推已而萬物已各得其所矣曾子之言蓋指其不可名之妙而借其可名之粗以明之學者默識於言意之表則亦足以互相發明而不害其爲同也違道不遠如齊師遠穀之違蓋曰自此而去以至於穀纔七里耳孟子所云夜氣不足以存則其違禽獸不遠耳非謂吾

本禽獸而今始違之也亦曰自此而去以入於禽獸不遠耳蓋所謂道者當然之理而已根於人心而見諸行事不待勉而能也然唯盡已之心而推以及人可以得其當然之實而施無不當不然則求之愈遠而愈不近矣此所以自是忠恕而往以至於道獨爲不遠非背而去之之謂也程子又謂事上之道莫若忠待下之道莫若恕此則不可曉者若姑以所重言之則似亦不爲無理若究其極則忠之與恕初不相離程子所謂要除一箇除不得而謝氏以爲猶形影者意可見矣今析爲二事而兩用之則是果有無恕

之忠無忠之恕而所以事止接下者皆出於強爲而不由乎中矣是於程子他說殊不相似意其記錄之或誤不然則一時有爲言之而非正爲忠恕發也若程子所謂天地之不忍亦曰天地之化生生不窮特以氣機闔闢有通有塞故當其通也天地變化草木蕃則有似於恕當其塞也天地閉而賢人隱則有似於不忍耳其曰不忍非若人之蔽於私欲而實有伎害之心也謝氏推明其說乃謂天地之有不忍乃因人而然則其說有未究者蓋若以爲人不致中則天地有時而不位人不致和則萬物有時而不育是謂

天地之氣因人之不忍而有似於不忍則可若曰天地因孰之不忍而實有不忍之心則是彼爲人者旣以伎心失恕而自絕於天矣爲天地者反效其所爲以自已其於稷之命也豈不誤哉楊氏謂以人爲道則與道五而遠於道故戒人不可以爲道如執柯以伐柯則與柯一故睨而視之猶以爲遠則其違經斯理又有甚焉使經而曰人而爲道則遠人故君子不可以爲道則其說信矣今經文如此而其說乃如彼旣於文義有所不通而推其隱又將使道爲無用之物人無入道之門而聖人之教人以為道者反爲悞

人而有害於道是安有此理哉侯氏四諸未能之說  
 獨以為若止謂恕已以及人則是聖人將使天下皆  
 無父子君臣矣此則諸家皆所不及蓋近世果有不  
 得其讀而輒為之說曰此君子以一己之難克而知  
 天下皆可恕之人也嗚呼此非所謂將使天下皆無  
 父子君臣者乎侯氏之言於是乎駭矣○未改以前  
 是失人道既改則便是復得人道便何謂治他○能  
 改即是善矣便何待別求善天不只是一箇善惡不  
 善即惡不惡即善只改底便是善○所求乎子以事  
 父未能也須要如舜之事父方盡得子之道若有一

毫毫不盡便是道理有所欠闕便非子之道矣所求乎  
 臣以事君未能也須要如舜周公之事君若有一毫  
 不盡便非臣之道矣無不是如此只緣道理當然自  
 是往不得○論着忠恕名義自合依子思忠恕違道  
 不遠是也會子所說却是移上一階說聖人之忠恕  
 其實只一箇忠恕須自看教有許多等級分明○或  
 問到得忠恕已是道如何云違道不遠曰仁是道忠  
 恕正是學者着力下工夫處○問忠恕即道也而曰  
 違道不遠何耶曰道是自然底人能忠恕則去道不  
 大遠也按此章當與前一貫章參玩則忠恕之義盡矣

大哉聖人之道  
 朱子曰包下交兩節而言  
 洋洋乎發音萬物峻極于天  
 峻高大也此言道之極于至大而無外也  
 優優大哉禮儀三百威儀三千  
 優優克足有餘之意禮儀經禮也威儀曲禮也此言道之入於至小而無間也  
 待其人而後行  
 總結上兩節  
 故曰苟不至德至道不凝焉

至德謂其人至道指上兩節而言也疑聚也成也  
 輯畧程子曰中庸言禮儀三百威儀三千方是說優  
 優大哉又却非如異教之說須得如枯木死灰以為  
 得也張子曰禮儀三百威儀三千無一物之非仁也  
 故君子尊德性道問學致廣大而盡精微極高明而道  
 中庸溫故而知新敦厚以崇禮  
 尊者恭敬奉持之意德性者吾所受於天之正理也  
 溫猶燠溫之溫謂故學之矣復時習之也敦加厚也  
 尊德性所以存心而極乎道體之大也道問學所以  
 致知而盡乎道體之細也二者修德凝道之大端也

大不以一毫私意相蔽不以一毫私欲相累涵泳乎其  
所已知敦篤乎其所已能此皆存心之屬也析理則  
不使有毫釐之差處事則不使有過不及之謬理義  
則日知其所未知節文則日謹其所未謹此皆致知  
之屬也蓋非存心無以致知而存心者又不可以不  
始致知故此五句次序相資首尾相應聖賢所入德  
之方莫詳於此學者宜盡心焉。道者自然之名德  
待人之所得故禮者道體之節文必其人之有德然  
後乃行之也。○溫故知新敦厚崇禮諸說但以三句  
故相對明其不可偏廢大意固然細分之則溫故然後

有以知新而溫故又不可不知新敦厚然後有以崇  
禮而敦厚又不可不崇禮此諸說之所遺也大抵此  
五句承章首道體大小而言故一句之內皆具大小  
二意云云。○聖人之道峻極于天只是克塞天地底  
意思。○禮儀三百威儀三千優優大哉皆是天道流  
行發見爲用處。○禮儀三百威儀三千一事不可欠  
闕才闕一事便是於全體有虧佛氏之學只說道無  
不存無適非道只此便了若有一二事不著亦不妨  
○廣大似所謂理一精微似所謂分殊。○聖人事事  
著實禮樂刑政文爲制度觸處都是體用動靜互換  
無端都無少許空闕處。○問致廣大章句以爲不以

一毫私意自蔽極高明是不以一毫私欲自累何也  
曰此心本廣大若有一毫私意蔽之便狹小此心本  
高明若有一毫私欲累之便卑污若能不以私意自  
蔽則其心廣濶都無此疆彼界底意思自然能致廣  
大不以私欲自累則其心峻潔決無浮下昏冥底意  
思自然能極高明因舉張子曰陽明勝則德性用陰  
濁勝則物欲行。問尊德性而道問學行意在先擇  
善而固執之知意又在先如何曰此便是互相爲用  
處。○大哉聖人之道云云是言道之大處禮儀威儀  
是言道之細處只章首便分兩節來故下文五句又

相因尊德性至敦厚此上一截便是渾淪處道問學  
至崇禮此是下一截便是詳密處道體之大者直是  
難守細處又難窮究若有上一截而無下截只道是  
我渾淪更不務致知則茫然無覺若有下一截而無  
上截只管要纖悉皆知更不去行則又空無所倚。○  
有一般人實是篤厚淳朴然或箕踞不以爲非便是  
不崇禮只管去理會禮文而不篤厚則又無以居之  
所以忠信之人可以學禮便是敦厚以崇禮底意。○  
道體之大無窮而於其間文理密察有不可以毫釐  
差者此聖賢之語道所以旣言發育萬物峻極于天



言言言 卷之十五 三十一  
以形容其至大而又必曰禮儀三百威儀三千以該  
悉其至微而其指示學者修德凝道之功所以既曰  
致其廣大而又必曰盡其精微也近世之言道者則  
不然其論大抵樂渾全而忌剖析喜高妙而畧細微  
其於所謂廣大者則似之而於精微則不察則其所  
謂廣大者亦未易以議其全體之真也○古之君子  
尊德性矣而必曰道問學致廣大矣而必曰盡精微  
極高明矣而必曰道中庸溫故知新矣而必曰敦厚  
崇禮蓋不如是則所學所守必有偏而不備之處性  
其如是故居上不驕爲下不倍有道足以興無道足

以容而無一偏之蔽也○或謂尊德性至崇禮六句  
不必以存心致知爲分蓋道之在天下至大而無外  
至小而無間尊德性者存心養性之功道問學者致  
知格物之事能存心養性矣而未能格物以致知則  
其於道必有不盡者下四句亦然雖大而窮理未精  
不足以盡道造理雖高而行事未合乎中不足以盡  
道已學而用功不繼質厚而守禮不嚴皆不足以盡  
道故必內外本末粗細顯微交致其功然後於道體  
之夫者無不到其細者亦無所遺至德謂此五者不  
如是則至道不凝也此說與章句少異姑存之○南

言言  
卷之五  
三二  
軒記時習之室曰中庸曰苟不臣德至道不凝德道  
至於凝則斯能有之矣惟至德可以凝道古之人禮  
儀三百威儀三千君臣父子夫婦朋友之際洒掃應  
對獻酬交酢以至於坐立寢食之間無一而不在德  
焉至纖至悉也所以成其天理而已蓋毫釐之間不  
至則毫釐之間天理不在故學而時習之無時而不  
習也念念不忘天理也此所以至德以凝道也及其  
从也融然無間渙然和順而內外精粗上下本末功  
用一貫無餘力矣○按此雖為時習而言然於此章  
之義有所發明故附焉○

曹交問曰人皆可以為堯舜有諸孟子曰然  
子趙氏曰曹交曹君之弟也人皆可以為堯舜疑古語  
或孟子所嘗言也

交聞文王十尺湯九尺今交九尺四寸以長食粟而已  
如何則可  
曹交問也食粟而已言無他材能也  
曰奚有於是亦為之而已矣有人於此力不能勝一匹  
雛則為無力人矣今日舉百鈞則為有力人矣然則舉  
鳥獲之任是亦為鳥獲而已矣夫人豈以不勝為患哉  
弗為耳

匹字本作鳴鴨也從省作匹禮記說匹爲鷺是也烏  
鳥獲古之有力人也能舉移千鈞人豈以不相見者  
徐行後長者謂之弟疾行先長者謂之不弟夫徐行者  
豈人所不能哉所不爲也堯舜之道孝弟而已矣  
陳氏曰孝弟者人之良知良能自然之性也堯舜人  
倫之至亦率是性而已豈能加毫末於是哉楊氏曰  
堯舜之道大矣而所以爲之乃在夫行止疾徐之間  
非有甚高難行之事也百姓蓋日用而不知耳  
子服堯之服誦堯之言行堯之行是堯而已矣子服桀  
之服誦桀之言行桀之行是桀而已矣曰然

言爲善爲惡皆在我而已詳曹交之問淺陋粗率必  
其進見之時禮貌衣冠言動之間多不循理故孟子  
告之如此兩節云  
曰交得見於鄒君可以假館願留而受業於門一齊而  
假館而後受業又可見其求道之不篤  
曰夫道若大路然豈難知哉人病不求耳子歸而求之  
有餘師  
言道不難知若歸而求之事親敬長之間則性分之  
內萬理皆備隨處發見無不可師不必留此而受業  
也○曹交事長之禮既不至求道之心又不篤故孟

子教之以孝弟而不容其受業蓋孔子餘力學文之意亦不屑之教誨也。○問云云曰楊氏之說有曰佛者麗蘊有神通并妙用運水及搬柴此乃自得之言最為達理但其言周遮便要通徹亦須把來做一件事若孟子之言則無適不然矣愚竊惑之夫釋氏之言偶與聖賢相似者多矣但其本不同則雖相似而實相反也蓋如此章孟子之言均是行也而一疾一徐其間便有堯桀之異是乃物則民彝自然之實理而豈人之所能為哉若釋氏之言則但能運水搬柴則雖倒行逆施亦無所適而不可矣何必徐行而後

可以為堯哉蓋其學以空為真以理為障而以縱橫象作用為奇特故與吾儒之論正相南北至於如此今不察焉而以達理自得稱之至語其病則以為特在於周遮着意而已如此則是凡為佛者去此二病而遂與吾學不殊也程子有言以吾觀於釋氏句句同事事合然以其本之不正是以卒無一事之同正謂此爾或問於胡文定公曰禪者以拈槌豎拂為妙用不如何公曰以此為用用而不妙須是動容周旋中禮是始是妙用處求之楊氏之言其得失可見矣

子曰德鄰右專言道

子教德

易大畜彖曰大畜剛健篤實輝光曰新其德

程子曰以卦之才德而言也乾體剛健艮體篤實人

之才剛健篤實則所蓄能天克實而有輝光畜之不

宅則其德日新○乾四德見前諸卦象之言德者皆

別見

恒九三不恒其德或承之羞貞吝○此卦主坤三陰而

程子曰三陽爻居陽位處得其位是其常處也乃志

從於上六不唯陰陽相應風復從雷於恒處而不處

不恒之人也其德不常則羞辱或承之謂有時而至

也貞吝固守不恒以為恒豈不可羞吝乎

象曰不恒其德无所容也

人既无常何所容處

論語子曰南人有言曰人而無恒不可以作巫醫○善扶

干朱子曰南人南國之人恒常人也巫所以交鬼神醫

所以寄死生故雖賤役而尤不可以無常孔子稱其

言而善之

不恒其德或承之羞子曰不占而犯矣

南軒曰謂理之必然不待占而可知也

子曰德不孤必有鄰

言言言  
朱子曰鄰猶親也德不孤立必以類應故有德者必  
有其類從之如居之有鄰也○南軒曰德立於己則  
不衆善從之其爲不孤蓋理之必然如善言之集良朋  
之來皆所謂有鄰也語其至則天下歸仁亦是也○  
易敬義立而德不孤又是一義見本篇  
子曰由知德者鮮矣  
朱子曰德謂義理之得於紀者非已之不能知其  
意味之實也○南軒曰知德者鮮以其踐履之未至  
故不能真知其味夫子以此告子路使之勉進於德  
而不以聰明疆力爲可恃也不取蓋各有時而立

子張問崇德辨惑子曰主忠信徙義崇德也  
朱子曰主忠信則本立徙義則日新  
愛之欲其生惡之欲其死既欲其生又欲其死是惑也  
樊愛惡人之常情也然人之生死有命非可得而欲也  
以愛惡而欲其生死則惑矣既欲其生又欲其死則  
惑之甚也○楊氏曰堂堂乎張也難與並爲仁矣則  
子非誠善補過不蔽於私者故告之如此○或問崇德  
辨惑何以有是目而子張樊遲皆以爲問也曰胡氏  
以爲或古有是言或世有是名聖人標而出之使諸  
弟子隨其所欲知思其所未達以爲入道之門戶也

其說得之矣曰主忠信從義之所以為崇德何也曰  
 主忠信則其從義也有地而可據能從義則其主忠  
 信也有用而日新內外本末交相培養此德之所以  
 日積而益高也曰愛之欲其生惡之欲其死既欲其  
 生又欲其死所以為惑者何也曰溺於愛惡之私而  
 以彼之死注定分為何以隨己之所欲且奴不能自  
 定而一生一死交戰於胸中虛用其力於斷不能必  
 愛之地而實無所損益於彼也可不謂之惑乎曰南軒  
 曰崇德辨惑修身之切務也以忠信為主而見義則  
 干徙焉則本立而日新德之所以崇也不主忠信則無

徙義之實不能徙義則所主亦有時而失其理矣  
 者蓋相須也○愚按欲生欲死必有所為而言所以  
 子箴子張之失也  
 樊遲從遊於舞雩之下曰敢問崇德修慝辨惑  
 胡氏曰慝之字從心從匿蓋惡之匿於心者修者治  
 而去之  
 子曰善哉問辨惑而後其來矣樊遲曰何謂之辨  
 朱子曰善其切於為己也  
 先事後得非崇德與攻其惡無攻人之惡非修慝與  
 朝之忿忘其身以及其親非惑與



障先事後得猶言先難後獲也為所當為而不計其功  
 則德日積而不自知矣專於治已而不責人則已之  
 惡無所慝矣知一朝之忿為甚微而禍及其親為甚  
 大則有以辨惑而懲其忿矣樊遲麓鄙近利故告之  
 以此三者皆所以救其失也。○范氏曰先事後得上  
 義而下利也人唯有利欲之心故德不崇唯不自省  
 禁已過而知人之過故慝不修感物而易動者莫如忿  
 忘其身以及其親惑之甚者也惑之甚者必起於細  
 微能辨之於早則不至於大惑矣故懲忿所以辨惑  
 也。○南軒曰先其所事而不計其得此德所以崇也

何若先有求得之心反傷於德矣。○愚按范氏以利欲  
 為得與先難後獲異而集註兼取之蓋並存兩說也

子曰鄉原德之賊也

朱子曰鄉者鄙俗之意原與愿同荀子原慝註作愿  
 是也鄉原者鄉人之愿者也蓋其同流合汚以媚於  
 世故在鄉人之中獨以原稱夫子以其似德而反亂  
 其弃德故以為德之賊而深惡之。○愚按范氏以  
 萬章問曰孔子在陳曰盍歸乎來吾黨之士狂簡進取  
 不忘其初孔子在陳何思魯之狂士狂簡進取  
 盍何不也狂簡謂志大而畧於事進取謂求望高遠



不忘其初謂不能改其舊也此語與論語少異  
 孟子曰孔子不得中道而與之必也狂猥乎狂者進取  
 猥者有所不為也孔子豈不欲中道哉不可必得故思  
 其次也

論語道作行猥作狷有所不為者知耻自好不為不  
 善之人也

敢問何如斯可謂狂矣曰如琴張曾皙牧皮者孔子之  
 所謂狂矣

琴張名字字子張子桑戶死琴張臨其喪而歌季武  
 子死曾皙倚其門而歌牧皮未詳

何以謂之狂也曰其志嚶嚶然曰古之人古之人夷考  
 其行而不掩焉者也

嚶嚶志大言大也重言古之人見其動輒稱之不  
 稱而已也夷平也掩覆也言平考其行而不能覆其

言也程子曰曾皙言志而夫子與之蓋與聖人之志  
 同便是堯舜氣象也特行有不掩焉耳此所謂狂也

狂者又不可得欲得不屑不潔之士而與之是猥也是  
 又其次也

此因上文所引遂解所以思得猥者之意狂有志者  
 也猥有守者也有志者能進於道有守者不失其身

屑潔也  
 孔子曰過我門而不入我室我不憾焉者其惟鄉原乎  
 鄉原德之賊也曰何如斯可謂之鄉原矣曰何以是嚙  
 嚙也言不顧行行不顧言則曰古之人古之人行何為  
 踽踽涼涼生斯世也為斯世也善斯可矣闔然媚於世  
 也者是鄉原也  
 取踽踽獨行不進之貌涼涼薄也不見親厚於人也鄉  
 原譏狂者曰何用踽踽然行不掩其言而徒每事  
 其必稱古人邪又譏狷者曰何必如此踽踽涼涼無所  
 可親厚哉人既生於此世則但當為此世之人使當世

之人皆以為善則可矣此鄉原之志也闔如奄人之  
 奄閉藏之意也媚求悅於人也孟子言此深自閉藏  
 言以求親媚於世是鄉原之行也  
 萬章曰鄉皆稱原人焉無所往而不為原人孔子以  
 為德之賊何哉曰非之無舉也刺之無刺也同乎流俗  
 合乎汙世居之似忠信行之似廉潔象皆悅之自以為  
 而不可與入堯舜之道故曰德之賊也  
 庸呂侍講曰言此等之人欲非之則無可舉欲刺之則  
 無可刺也流俗者風俗頹靡如水之下流象莫不然  
 汙也汙濁也非忠信而似忠信非廉潔而似廉潔

孔子曰惡似而非者惡莠恐其亂苗也惡佞恐其亂義也惡利口恐其亂信也惡鄭聲恐其亂樂也惡紫恐其亂朱也惡鄉原恐其亂德也夫之與無可舉也夫之與無可稱其言似義而非義也利口多言而不實者也鄭聲淫樂也樂正樂也紫間色朱正色也鄉原不狂不愚人皆以爲善有似乎中道而實非也故恐其亂德君子反經而巳矣經正則庶民興庶民興斯無邪慝矣反復也經常也萬世不易之常道也興興起於善也邪慝如鄉原之屬是也世衰道微大經不正故人人

得爲異說以濟其私而邪慝並起不可勝正君子於此亦復其常道而已常道既復則民興於善而是非明白無所回互雖有邪慝不足以惑之矣○南軒曰道以中爲貴然中道而立爲難故非極高明則不能以道中庸孔子固欲中道者而與之惟其難得故思其次狂者所知進於高遠儇者所守執之堅介嚶嚶然曰古之太古之人以古之聖賢爲慕者以其知足以及之也至於考其所行則有未能掩其言者以其言之高行有所未能賤故耳中庸所謂知者過之其狂者歟賢者過之其儇者歟云云鄉原自以爲是惟

孔其自以爲是此其所以終焉鄉原不可改也堯舜之  
道大中至正天理之存乎人心者也此所謂善也若  
鄉原之所謂善則出於己之私竊中庸之名而肥  
異端之於正道如黑之與白本不足以賊德其如道  
之不明世俗之見易以惑溺故以爲德之賊也云云  
經者天下之常理中之見於庸者也君父子兄弟  
朋友勅而惇之而其倫有序仁義禮智推而達之而  
其道不窮所謂經也惟人背而去之莫知所止故君  
子反經以爲民極經正則民興於善而邪慝自不能  
作此中庸之所以爲至也帝王之所以治孔子之所


以教不越於反經而已矣。黃氏曰德者務合乎理  
者也鄉原求媚於世則不必皆合乎理而委曲遷就  
似乎理而實非理使人之爲善者莫知乎理之正是  
天下之正理反爲鄉原所害也如廉潔理之正也鄉  
原不欲爲廉潔以異俗故亦同乎汙俗而外爲說以  
自蓋使人視之似廉潔而實非廉潔而反以害廉潔  
子之正也故貧夫不足以害廉惟假廉者乃所以害夫  
廉夫子所以深惡之也。朱子曰道聽而塗說德之棄也  
子曰道聽而塗說德之棄也。朱子曰雖爲善言不爲已  
有是自棄其德也。王氏

曰君子多識前言往行以畜其德道聽塗說則棄之  
矣。南軒曰聞善者存而體之則其德畜聚若徒以  
資談說而已則於德何有哉是棄之也。

子曰巧言亂德小不忍則亂大謀。  
朱子曰巧言變亂是非聽之使人喪其所守小不忍  
如婦人之仁匹夫之勇皆是蓋婦人之仁不能忍其  
愛匹夫之勇不能忍其暴其為不忍一也。

子夏曰大德不踰閑小德出入可也。  
朱子曰大德小德猶言大節小節閑闌也所以止物  
之出入言能先立乎大者則小節雖或未盡合理亦

無害也吳氏曰此章之言不能無弊學者詳之。吳  
氏謂此章不能無弊學者正不可以此自恕一以小  
中差為無害則於大節必將有枉尋而直尺者矣。問  
伊川謂小德如援溺之事如何曰援溺事却是大處  
嫂溺不援是豺狼這處是當做更有甚麼出入。子  
夏之說自有病只是他力量有行不及處然既是有  
力不及處不免有些子小小事放過者已是不是豈  
可謂之可也蓋子夏為人不及其質亦弱夫子亦每  
提他如女為君子儒無為小人儒無欲速無見小利  
之類。南軒曰大德大體也小德萬目也君子所存



大體固有定至其酌酢之際用權以取中初無一定之勢然未嘗不同歸焉如可以取可以無取可以與可以無與之類是也然而斯言以大德不踰閑爲本必大德不踰閑而後小德可以出入蓋未嘗不在其閑之中故曰可也不然本之不立而謂出入爲可是小人之無忌憚而也。南軒說甚善然非子夏本意姑存之

中庸小德川流大德敦化此天地之所以爲大也。問朱子曰小德者全體之分大德者萬殊之本川流者如川之流脈絡分明而往不息也敦化者敦厚其化

根本盛大而出無窮也此言天地之道。以天地言之則高下散殊者小德之川流於穆不已者大德之敦化以聖人言之則物各付物者小德之川流純亦不已者大德之敦化也。大德是那敦化底小德是流出那敦化底這便如忠恕忠便是做那恕底恕便是流出那忠來底如中和便是大德敦化和便是小德川流自古亘今都只是這一個道理聖人做出許多禮樂法度功勳事業只是這個道理做出來。輯畧程子曰川流是日用處大德是存主處如俗言敦本之意又曰大德敦化於化育處敦本也小德川

流日用處也此言仲尼與天地合德。張子曰接物處皆是小德統會處便是大德。樂記禮樂皆得謂之有德德者得也。鄉飲酒義德也者得於身也故曰古之學術道者將以得於身也。

程子曰得之於身謂之有德。自然現顯益背翹體不言而喻豈待勉強也。又曰德者得也。須是實到這裡方得。以上言德所指不同其實一也。宜參釋之。亦書皇陶曰都亦行有九德亦言其人。有德乃言曰載米采禹曰何臯陶曰寬而栗柔而立愿而恭亂而敬摯而

毅直而溫簡而廉剛而塞強而義彰厥有常吉哉。

程子曰九德最好。張氏曰自寬至強皆天資自粟至義皆學力任性以行非過則不及以學輔之則為有用之德。愚按此所謂氣質之性也。蘇氏曰橫流而濟曰亂故才過人可以濟大難者曰亂亂臣十人是也。又曰德惟一動罔不吉故常於是德然後為吉也。林氏曰一德之常如霍光可謂有濟亂之才矣。而在漢武左右小心謹敬出殿門進止有常處即僕射竊識視之不失尺寸者二十餘年此亂而敬之有常者武帝彰而用之遂能擁昭立宣況於九德咸事

其效宜何如哉。○陳氏曰常者德之所安也人固有  
勉強矯拂亦足以欺人者能矯拂於暫而不能矯拂  
於久能矯拂於一時而不能矯拂於歲月惟其安而  
非有所勉強矯拂者乃德之常也至於常則不變矣  
朝夕如此窮達如此變故如此而其德曾不少變人  
主得斯人而彰顯之國之福也。○蔡氏曰寬而栗云  
云而轉語辭正言而反應者所以明其德之不偏皆  
指其成德之自然非以彼濟此之謂愚按張氏以學  
力言蔡氏以成德言二說不同蓋嘗思之德不待學  
而成者生知安行者也自非聖人其氣質必有所偏

學以治之然後能復其性之全故舜命夔典樂以教  
胄子直而溫寬而栗剛而無虐簡而無傲正此意也  
○又九德之訓諸家各有得失今取其長合爲一說  
蓋寬洪者易失於踈濶必以縝密濟之栗木性之最  
密者也柔順者易流於委靡必以植立濟之謹愿者  
未必能恭肅有辨治之才者未必能敬謹馴順之人  
少果毅徑直之人少溫和簡者多務大體未必事廉  
隅剛者或出血氣未必能篤實強者見事勇爲未必  
能合義學以成德則無一偏之失柔而立剛而塞雖  
各爲一德然寬也愿也簡也皆近柔故以栗以



恭以毅以廉濟之皆剛之屬也亂也直也強也皆近  
剛故以敬以溫以義濟之皆柔之屬也此隍陶為禹  
陳知人之法也

日宣三德夙夜浚明有家日嚴祇敬六德亮采有邦翕  
受敷施

蔡氏曰宣明也三德六德者九德之中有其三有其  
六也浚治也亮亦明也有家大夫也有邦諸侯也浚  
明亮采皆言邦家政事明治之義氣象則有大小之  
不同三德而為大夫六德而為諸侯以德之多寡職  
之大小槩言之夫九德有其三固不可有怠心必日

宣而克廣之而使之益以著九德有其六尤不可有  
忽心必日嚴而祇敬之而使之益以謹也翕合也德  
之多寡雖有不同人君惟能合而受之布而用之如  
此則九德之人咸事其事而浚又皆在其官以天下  
之才任天下之治唐虞之朝下無遺才而上無廢事  
者良以此也師師相師法也言百僚皆相師法而百  
工皆及時以趨事也百僚百工皆謂百官言其久之  
相師則日百僚言其人之趨事則日百工其實一也  
時撫順也五辰四時也木火金水王於四時而土則寄  
寄旺於四季也凝成也言百工趨時而象功皆成也

書立政曰古之人迪惟有夏乃有室天競額尊上帝迪知忱恂于九德之行此未大矣金木土瓦四節而用之蘇氏曰夏后氏之世王室所以大強者以求賢爲事天之實也。林氏曰迪知其忱恂是其心誠安於此而無所矯僞於其間故可以信其誠有是德不然則有以穀音笑貌而爲之者矣。蔡氏曰迪知者踴知而非苟知也忱恂者誠信而非輕信也以上論九德伊尹作咸有一德同人吾道合而受之而而伊尹呂氏曰自古以來聖賢入道各有自得處在堯舜禹謂之執中在伊尹謂之仁德在孔子謂之忠恕在子

思謂之中庸在孟子謂之仁義皆所以發明前聖所未明處大甲悔過既力故伊尹以入道極處告之曰惟尹躬暨湯咸有一德又曰終始惟一時乃日新又曰德惟一動罔不吉德二三動罔不凶無垢張氏曰一者天理故無往而不吉二三三者人欲故無往而不凶又曰德無常師主善爲師善無常主協于克己又曰德無常師主善爲師善無常主協于克己朱子曰伊尹告太甲許多語信向句是天理。○橫渠曰德主天下之善善原天下之一說得極好蓋從一中流出者無有不善所以伊尹曰常厥德曰庸德曰

一德常也庸也一也只是理○又曰此四句三節一節緊似一節德且是大體說有吉德有凶德必主于善始為吉耳善亦且是大體說惟是協于克是乃為善蓋善因一而後定也德以事言善以理言一以心言大抵此篇精神全在幾個一字上此心才一便終始不變而有常協字雖訓洽乃是以此洽彼之合非已相合之合與禮記協于分藝書協時月正日之協同義蓋若揆度參驗之意耳○南軒曰自虞書精一之外惟此語最親切○氏曰德諸善之總稱善者德之實行一者其本原統語其運則無息語其則


并包而無遺也咸有一德之○此章言一德以柔書洪範六三德一曰正直二曰剛克三曰柔克乎康正直疆弗友剛克變友柔克沉潛剛克高明柔克蘇氏曰不剛不柔曰正直張氏曰三德即皇極之見於用者呂氏曰正直言皇極本體剛柔言皇極之用愚按平康正直三句孔氏謂世平安用正直治之世強禦不順以剛治之世和順以柔治之此說為善所謂因時而施之者也杜氏曰沉潛猶滯溺也高明猶亢爽也言各當以剛柔勝其本性乃能成全此說為近所謂因人而施之者也上三句以時言下二句以

人言蓋治其過不及而歸之中者君師之職故曰又用三德沉潛高明本皆美質但深沉者易偏于柔故濟之以剛杜氏滯溺之訓恐非先儒於此章多異說自孔安國從左氏傳以高明爲天沉潛爲地謂地雖柔亦有剛克能出金石天爲剛德亦有柔克不干四時喻臣當執剛以正君君當執柔以綱臣不知此疇曰又艸皆治人之事若君臣以剛柔相濟則治已之事矣故今獨取杜氏之說而蔡氏有曰平康正直無事乎矯拂者也疆弗友剛克以剛克剛也爨友柔克以柔克柔也沉潛剛克以剛克柔也高明柔克以柔

克剛也平直之用一而剛柔之用四也聖人撫世酌物因時制宜三德迭用陽以舒之陰以斂之執其兩端用其中於民所以納天下民俗於皇極者蓋如此其說亦善故附見焉○呂刑惟敬五刑以成三德○又左氏昭十二年南蒯將叛筮遇坤之比曰黃裳元吉以爲大吉也示子服惠伯曰卽欲有事何如惠伯曰吾嘗學此矣忠信之事則可不然必敗外強內溫忠也和以率貞信也故曰黃裳元吉黃中之色也裳不之飾也元善之長也中不忠不得其色下不共不得其飾事不善不得其極外內唱和爲忠率事以供

為共供養三德為善非此三者弗當杜氏曰三德謂  
 正直剛克柔克也東萊呂氏曰正義云剛則抑之柔  
 則進之以志意供給長養使合於中道今姑從之此  
 章言三德○中庸言三達德已見前  
 右專言德  
 書旅癸其末曰嗚呼夙夜罔或不勤不務細行終累大  
 德為山九仞功虧一簣附天而大於山則其功亦大於山也  
 孔氏曰輕忽小物積害毀大故君子謹其微○王氏  
 曰大德細行之積也○愚按武王大聖人也西旅貢


癸初未之受召公恐其特大德而忽細行以獻癸之  
 毋受為無損故豫戒之如此蓋積行而成德猶累土而  
 成山一行失則全蹶皆失亦猶一簣虧而全功俱虧  
 明也彼以聖人而猶致其謹今人未有寸善則曰吾知  
 顧其大不暇恤其細可乎哉  
 周禮大司徒以鄉三物教萬民而賓興之曰六德知  
 仁聖義忠和曰六行孝友睦婣任恤  
 鄭氏曰知明於事仁愛人以及物聖通而先識義能  
 斷時宜忠言以中心和不剛不柔善於父母為孝善  
 於况弟為友睦親於九族婣親於外親任信於友道



恤賑於憂貧者  
 三曰六藝禮樂射御書數  
 愚按曰物之教先以德而次以六藝即孔子行有餘力則以學文之意○又程子答學者問書忠和作周中和蓋大同徒下文云云教之中教之和不應此獨為忠故也

師氏以三德教國子  
 一曰至德以為道本  
 二曰敏德以為行本  
 三曰孝德以知逆惡教  
 三行一曰孝行以親父母  
 二曰友行以尊賢良  
 三曰順行以事師長  
 鄭氏曰德行內外之稱在心為德施之為行○朱子

曰至德者誠意正心端本清原之事道則天人性命之理事物當然之則修身齊家治國平天下之術也  
 敏德者強志力行崇德廣業之事行則理之所當為  
 有可見之迹也孝德者尊祖愛親不忘其所由生之事知逆惡則以得於已者篤實深固有以真知彼之逆惡而自不忍為者也○又曰至德云云明道先生以之敏德云云司馬溫公以之孝德云云則趙無愧徐節孝之徒是也凡此三者雖曰各以其材品之高下資質之所宜而教之然亦未有專務其一而可以為成人者也是以列而言之以見其相須為用而不



詩書言 卷之十五 五  
可偏廢之意其又曰教三行何也曰德也者得於心  
而無所勉者也行則其所行之法而已不本之以其  
德則無所自得而行不能以自修不實之以其行則  
無所持循而德不能以自進是以既教之以三德而  
必以三行繼之則雖其至末至粗亦無不盡而德之  
修也不自覺矣或曰三德之教大學之學也三行之  
教小學之學也○愚按孝德者躬行孝道而實有得  
焉者也惟其實有是德故於事親之道有毫之未  
順則知其為逆有毫之未善則知其為惡凜凜焉  
唯恐其犯之也世之不孝其親者豈自知其為逆惡

哉知之則不肯為之矣然所謂逆惡者非必如法令  
所指五逆十惡之類也於事親之道苟有所違背焉  
皆逆且惡也為人子者其可忽諸

易象曰由下出泉蒙君子以果行育德

程子曰山下出泉出而遇險未有所之蒙之象也若  
人蒙穉未知所適也君子觀蒙之象以果行育德觀  
其出而未能通行則以果決其所行觀其始出未有  
所向則以養育其明德○南軒蒙齋銘曰下坎上艮  
其卦曰蒙其蒙伊何源泉在仲泉之始行其行未達  
雖則未達而理孰過君子體之于以果行黽勉在中

動畏天命泉之始萌其勢則止止乃日澄源源曷已  
君子體之于以育德篤敬不逾靜保天則惟養於中  
大本攸立惟敏於外達道攸飭內外交修相須以成  
久而有常則能日新又曰蒙之義蓋謂泉始出而遇  
險未有所之如人蒙穉未有所適貴於果行盲德克  
而達之也育德之義尤當深體愚按蒙象之義南軒  
得之蓋泉之始出也涓涓之微壅於沙石豈能遽達  
哉惟其果決必行雖險不避故終能流而成川然使  
其源之不深則其行雖果而易以竭良之象山也其  
德止也山惟其靜止故泉源之出者無窮有止而後

有行也君子觀蒙之象果其行如水之必行育其德  
如水之有本則其體盛大而其用周流矣失德者行  
之自出行者德之所形體用之謂也有體而後有用  
所養者厚則其應不窮中庸曰溥博淵泉而時出之  
又曰小德川流大德敦化皆此義也  
象曰水洊至習坎君子以常德行教習事

程子曰坎爲水水流仍洊而至兩坎相習水流仍洊  
之象也水自涓滴至于尋丈至于江海洊習而不驟  
者也其因勢就下信而有常故君子觀坎水之象取  
其有常則常久其德行人之德行不常則僞也故當



如水之有常取其游習相受則以習熟其教令之事  
 夫發政行教必使民熟於聞聽然後能從故三令五  
 申之若驟告未喻遽責其從雖嚴刑以驅之不能也  
 故常如水之游習。朱子曰治已治人皆必重習然  
 後熟而安之。

象曰澤上有水節君子以制數度議德行

程子曰澤之容水有限過則盈溢是有節故為節也  
 君子觀節之象以制立數度凡物之大小輕重高下  
 之質皆有數度所以為節也數多寡度法制議德行  
 者存諸中為德發於外為行人之德行當義則中節

議謂商度求中節也

乾文言曰君子以成德為行日可見之行也潛之為言  
 也隱而未見行而未成是以君子弗用也

此釋潛龍勿用之義。程子曰德之成其事可見者  
 行也德成而後可施於用初方潛隱未見其行未成  
 未成未著也是以弗用。德行恒易恒簡見後乾篇

右兼言德行

德業

易大傳乾以易知坤以簡能易則易知簡則易從易知  
 則有親易從則有功有親則可久有功則可大可久則

賢人之德可大則賢人之業

朱子曰乾健而動即其所知便能始物而無所難故以爲易而知大始坤順而靜凡其所能皆從乎乾而不自作故以爲簡而作成物人之所爲如乾之易則其心明白而人易知如坤之簡則其事要約而人易從易知則與之同心者多故有親易從則與之協力者衆故有功有親則一於內故可久有功則兼於外故可大德謂得於已者業謂成於事者上言乾坤之德不同此言人法乾坤之道至此則可以爲賢矣顯諸仁藏諸用鼓萬物而不與聖人同憂盛德大業至

矣哉

朱子曰顯謂自內而外也仁謂造化之功德之發也藏謂自外而內也用謂機緘之妙業之本也程子曰天地无心而成化聖人有心而無爲

富有之謂大業日新之謂盛德

張子曰富有者大無外日新者久無窮。朱子曰盛德大業以下都是說易之理不是指聖人。先說个富有方說日新此與說宇宙相似先是有這物事方始相連相續去愚按此雖言易之理然易也天地也聖人也一而已矣生物無窮天地之大業也運行不

息天地之盛德也功及萬世聖人之大業也終始日  
新聖人之盛德也學者有志於進德修業者亦必以  
天地聖人爲法蓋非富有不可以言大業非日新不  
可以言盛德故別而著之於此  
子曰易其至矣乎夫易聖人所以崇德而廣業也知崇  
禮卑崇效天卑法地

朱子曰窮理則知崇如天而德崇循理則禮卑如地  
而業廣

乾文言九三曰君子終日乾乾夕惕若厲无咎何謂也  
子曰君子進德脩業忠信所以進德也修辭立其誠所

以居業也知至至之可與幾也知終終之可與存義也  
是故居上位而不驕在下位而不憂故乾乾因其時而  
惕雖危无咎矣

程子曰三居下之上而君德已著將何爲哉唯進德  
修業而已內積忠信所以進德也擇言篤志所以居  
業也知至至之致知也求知所至而後至之知之在  
先故可與幾所謂始條理者知之事也知終終之力  
行也既知所終則力進而終之守之在後故可與存  
義所謂終條理者聖之事也此學之始終也君子之  
義如是故知處上下之道而無驕憂不懈而知懼雖

在危地而無咎也。○朱子曰忠信主於心者無一念之不誠也。修辭見於事者無一言之不實也。雖有忠信之心然非修辭立誠則無以居之。知至至之進德之事知終終之居業之事所以終日乾乾而夕猶惕若者以此故也可止可不下不驕不憂所謂无咎也。○知至是要知所至之地至之便是已到那地知終是知得合如此終之便須下終底工夫幾是知之初方見得事幾便須是至之存義是守得定方存得這義。上至字是至處下至字是到那至處知終是終處終之是終之而不去蓋求必終于是而守之不去也。

无咎曰或躍在淵无咎何謂也子曰止下無常非為邪也進退无恒非離羣也君子進德修業欲及時也故无咎。程子曰或躍或處上下无常或進或退去就從宜非為邪枉非離羣類進德修業欲及時耳時行時止不可常也故云或深淵龍之所安也在淵謂躍就所安之義或疑辭隨時而未可必也君子之順時猶影之隨形可離非道也。○朱子曰內卦以德學言外卦以位言進德修業九三備矣此則欲其及時而進也愚按乾卦皆聖人事而九三九四皆以進德修業為言蓋德不進則退業不修則壞故兢兢彛彛業業周公




坐而待旦孔子終日不食凡以此也然則學者奈何  
其不自力哉

其不自力哉

其不自力哉

其不自力哉



其不自力哉

其不自力哉

其不自力哉

西山先生真文忠公讀書記卷之十五終

文政重印

文政重印

